



**ATASSUT**

**UPA14/150-1**

**Gerhardt Petersen**

**10.04.2014**

**Aningaasaateqarfiup aningaasaataasa ilaannit procentit qassit ukiumut atugassiarineqarsinnaasanersut erseqqissaavigineqarsinnaaqullugu Aatsitassarsiornermi Aningaasaateqarfik pillugu Inatsisartut inatsisaannut nr. 6, 5. december 2008-meersumut allannguutissamik saqqummiussinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Naaja H. Nathanielsen, Inuit Ataqatigiit)

Inuit Ataqatigiit sinnerlugit Inatsisartuni ilaasortaq Naaja H. Nathanielsen-ip siunnersuutaa ATASSUT-mit imaattumik oqaaseqarfigissavarput:

ATASSUT-mit nalilerparput siunnersuuteqartup kissaatigigaa inatsisit sukannersut iliuuseqarsinnaanermullu killeqarluinnartut salliutinneqassasut, inuiaqatigiillu piffissami atuuttumi pisariaqartitaat tunullinneqassasut.

ATASSUT-mit siunnersuuteqartoq isumaqatiginngilarput taamak kippareqqissaartigisumik inuiaqatigiillu periarsinnaanerannut annertuumik killilersuisumik ingerlatsisoqarnissaanik siunertaqartoq malunnarmat.

Aningaasaateqarfik inatsisitigut pitsaasunik sinaakkutassaqaartinneqareerpoq, aamma Naalakkersuisut Inatsisartullu sukkulluunniit atuuttut siunertarinvianngilaat periarfissaqarnaviaratillu aningaasat aningaasaateqarfimmiittut asuli siunertaqanngitsumik atussallugit.

Naalakkersuisut akissuteqaataat ATASSUT-mit tusaatissatut tiguarput inassutigissavarpullu siunnersuut taamatut iluseqarluni itigartinneqassasoq.